



www.BibleForChildren.org




Yohanes 14



"Alia siasa a noamuu. Parasaya a Alaata'ala ka' parasayamo uga' i Yaku'. Na Laiganna Tamang-Ku biai' a dodongoan. Kalu se' sian koiya'a sabole bantilkonon-Ku na ko'omuu. Yaku' bo mae' waara'a montoropoti bo dodongoanmuu."



"Moko daa i Yaku' mae' waara'a ka' montoropoti bo
dodongoanmuu, Yaku' bo mule'kon soosodo ka'
mangawawa i kuu na dodongoan-Ku, kada' i kuu uga'
inda'a tii Yaku' na dodongoan-Ku."



Yaku' i Yohanes, utusmuu sa'angu'
kaparasaya'an. Kita sa'angu' barimpungan ni
Yesus men koikoimo munsuri repaan,


men koikoimo mianna
batomundo' an-Na,




ka' men koikoimo
mampari-pari kada'
mokotaan repaan.




Yaku' ni'atori na togong Patmos, gause
nengelelekon wurungna Alaata'ala koi
men ia popo'inti'ikonmo i Yesus.




Yaku' liuliu ia barios Alus Molinas. Kasi yaku' nimiile'
isian sa'angu' oruangan kobalaki'an na surugaa, ia
oruangi' Mian Sa'angu'.




Kasi yaku' nongorongor giigii' upa men tumuo' men na
surugaa ka' men na tano' balaki' ka' men na lalomna
tano', ka' men na tobui, wiwi' na
norobu taena, "Oo Alaata'ala men
no' umoruang na wawona oruangan
kobalaki'an ka' Anak Domba! Kuu
a men tunde'on ka' angga'ion ka'
popobalaki'on
ka' men
mungkuasai
pataka
sidutu!"




Ka' yaku' nimiile' kota molinas, Yerusalem men u'uru,
nda'amari surugaa ringkat na Alaata'ala. Kota iya'a
nitoropoti pore-pore koi sa'angu' wiwine men bo
mosuo' nitoropoti pore-pore mangaropi moro'onena.




Kasi yaku' nongorongor wurung men boolak na
oruangan kobalaki'an iya'a mengeleelo'kon taena,
"Porongor! Koini'i Alaata'ala dumodongomo pooruru'
tia mian, ka' mian nosidamo mian-Na. Ia tumuo'
ruru-ruru' tii raaya'a ka' Alaata'ala iya'a a Tumpuna
i raaya'a."




Malaa'ikat iya'a uga' ninsiso'konmo na ingku'
weerkauna men mantarai tutuo' men pore.
Weerkauna iya'a lingkungan koi kaca kristal,
ka' umuar ringkat na oruangan kobalaki'anna
Alaata'ala ka' Anak Domba iya'a.



Kota iya'a mosoo ruarionna ilio kabai se' wulan,
gause kobalaki'anna Alaata'ala a men munguruari,
ka' Anak Domba iya'a bookoi boloakna.



Kasee mian men mimbolian, kabai se' mian men
mimborek sian sida minsoop. Men sida minsoop
tongko' mian men ngaanna
nitulis na kitap nuntulisan
ngaanna mian men
nantausi tutuo' pore
na Alaata'ala, ya'amo
kitap men ia tombonoi
Anak Domba.




"Ia bo mansapui lolu'na i
raaya'a, ka' sianmo isian
kolapusan. Sianmo isian
masiongo', kabai se' wiri, kabai
se' mapolos, gause giigii' men
manau' iya'a noporusmo."



Na kota iya'a sianta upa men ia kana' tadean.
Oruangan kobalaki'anna Alaata'ala tia oruangan
kobalaki'anna Anak Domba isian na kota iya'a.
Papalimangna Alaata'ala bo monsoosa' i Ia,
ka' mimiile' ro'up-Na,
ka' ngaan-Na bo
kotulis na ngere'na
i raaya'a.



Ka' yaku' nimiile' mian lapus men morio' ka' moola' poto kerer na aropna oruangan kobalaki'an iya'a. Kasi nibukai a giigii' kitap. Ka' uga' nibukai a kitap sambanaan men nuntulisan ngaanna mian men nantausi tutuo' pore na Alaata'ala. Kasi giigii' mian lapus ni'ukumi sintutu' tia men ia wawaumo i raaya'a koi men nitulis na kitap iya'a. Sanda' mian men ngaanna sianta nitulis na kitap nuntulisan ngaanna mian men nantausi tutuo' pore na Alaata'ala iya'a, ia tonsoop mian men nitibarkon na lalomna apuayal leleeambangan iya'a.



Alus Molinas tia wiwine men bo poposuo'on iya'a
mangaan taena, "Mai!" Sanda' mian men mongorongor
iya'a tio uga' mangaan "Mai!" Ime a men moro'u, ia
tio taka ni Yesus, ka' ime a men mo'uus, ia tio
mangala weer men mantarai tutuo' men
pore
iya'a.

Weer
iya'a
bulu-bulu'
sianta ilion.



Gause Alaata'ala molingu'kon tuu'
mian na tano' balaki' kani'i, mbaka'
Ia nongorookonmo Anak-Na men
sa'a-sa'angu', kada' giigii' mian men
parasaya na Ko'ona sian silaka',
kasee mantausi tutuo'
men pore pataka
sidutu.



Roma 3:23 Giigii' mian mangawawau dosa, ka' sianmo mantaka Alaata'ala men kuasaan.

Roma 6:23 Waya'na dosa mase kolapusan, kasee Alaata'ala mantarai bulu-bulu na ko'onta tutuo' men pore pataka sidutu, gause moto kantang tii Kristus Yesus, Tumpunta.

Ibrani 9:27 Alaata'ala nangaan se' mian tongko' pensan lapus, ka' moko daa lapus kasi ukumion-Na.

Efesus 2:8,9 Gause kaporeanna Alaata'ala, Ia nansalamatkonmo i kuu men parasaya ni Kristus. Men koiya'a taasi' gause wawaumuu, kasee tongko' nantaraina Alaata'ala. Kuu nisalamatkon taasi' gause wawaumuu. Mbaka' sa'angu'po mian sian sida mompopodaa wakana.



Roma 10:9 Kalu i kuu mompotuutuu' tia nganga'muu
se' i Yesus iya'a Tumpu, ka' noamuu parasaya se'
Alaata'ala nomotuo'imo i Ia noko daa lapus,
mbaka' i kuu salamatkonon.

Roma 10:10 Gause noana mian tiodaa parasaya, kada' i
ia popokana'onna Alaata'ala. Ka' nganga'na tio
mompotuutuu' i Yesus, kada' i ia salamatkonon.

Yohanes 3:16,17 Gause Alaata'ala molingu'kon tuu' mian
na tano' balaki' kani'i, mbaka' Ia nongorookonmo
Anak-Na men sa'a-sa'angu', kada' giigii' mian men
parasaya na Ko'ona sian silaka', kasee mantausi tutuo'
men pore pataka sidutu. Alaata'ala nantatakakon
Anak-Na na tano' balaki' kani'i taasi' bo pungukum
mianna, kasee bo pansalamatkon.



1 Yohanes 5:11-13 Koi kani'imari a men potuutuu'onna
Alaata'ala: Ia nantaraikonmo tutuo' men pore pataka
sidutu na ko'onta', ka' tutuo' iya'a ringkat na
Anak-Na. Mian men mangalabot Anakna Alaata'ala
mantausi tutuo' men pore. Ka' mian men sian
mangalabot Anak, ia sian mantausi. Yaku' nuntulis
kani'i bo ko'omuu men parasaya na Anakna Alaata'ala
kada' i kuu minginti'i se' i kuu mantausi
tutuo' men pore pataka sidutu.



Yohanes 14; 2 Korintus 5; Wahyu 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Balantak Bible (blz) © 2010, Wycliffe Bible Translators,
Inc. All rights reserved.

<https://live.bible.is/bible/BLZLAI/MAT/1>

©2026 Bible for Children, Inc.

www.M1914.org

www.bibleforchildren.org

